

滂喜齋藏書記

滂喜齋藏書記序

甲寅冬

烈

歸里謁緣督年丈商刊先集事丈出朱印

新槧樣本一冊示

烈

曰此滂喜齋藏書記廿年前承

先師文勤公命代爲編輯未竟而公薨今始重爲訂

定介弟仲午以付梓人卷端署師名者從師志也

烈欲乞取一本丈卽以所示者見貽次年

烈

至津沽章

式之同年見之假去且屬

烈

再乞之年丈始知此書

梓而未印詢其故則因有人見此樣本卽索假其中

宋槧某種仲丈愛護父兄手澤未允其請索者不諒

致啟齟齬仲丈慮因此招致橫逆遂不付印甲子冬

仲丈避地滬濱遠而長逝子孫先卒嗣曾孫猶在緬

綵而海上書肆將此記以鉛字排印弁首之詞於滂

喜後人鱣誣殊甚博山表姪爲文勤暨仲丈之從孫

見而憤甚乃請於仲丈德配祁淑人取原板付印又
因烈備悉仲丈生平行誼與此書顛末屬繫一言以
杜叢菲之口實而釋讀者之疑烈維文勤在朝數十
年持躬清介屏絕饋遺所藏商周珍器宋元精槧皆
罄廉俸購之四方非若後之貴顯其藏儲由苞苴或
攘奪而來也仲丈髫年受業於緣丈之門幼學媚古
能繼兄志文勤薨蒙恩旨賞郎中每以早達自嫌
補官不數年卽挂冠歸里數門謝客終日以文史自
娛緣丈最所欽挹宣統初元述懷詩云三徑豈惟松
菊晚有人二十已歸田自注謂潘仲午比部日記中
推許仲丈之語尤多易簣時遺命將一切手稿胥歸
仲丈保守其遺著奇觚廩文集寒山志辛日移詩話
皆由仲丈獨力校刊是其師弟之間契合無間生死

不渝而仲丈爲人之高潔篤厚亦於此可見矣滄海
橫流文人喪行寂寞投閣者流惡直醜正於狷潔自
好之士轉多所詆譏然清濁邪正之間後世自有公
論今海內藏家在滂喜之後楹書彝器爲子弟典售
一空者何可勝計文勤昆弟雖肩裔不繁而守護尤
力他日公之曾孫機雲濟美殆可預卜彼悠悠之口
亦何足與校歟書此以告讀者戊辰季春廿八日王
季烈

滂喜齋藏書記目

卷一

經部

明刻巾箱本五經

明刻易義主意二卷

宋刻詩本義十五卷

宋刻京本點校附音重言重意互注周禮殘本四

卷

宋刻周禮攷工記解二卷

宋刻校正詳增音訓周禮句解十二卷

宋刻音點周禮詳節句解

宋刻司馬氏書儀十卷

日本刻何晏論語集解十卷札記一卷

宋刻張子韶孟子傳二十九卷

元刻四子六卷

日本刻古文孝經孔氏傳一卷

日本刻孝經唐玄宗注一卷

北宋刻廣韻五卷

元刻增修互注禮部韻略五卷

宋刻增修校正押韻釋疑五卷

元刻釋疑韻寶五卷

金刻增修累音引證羣籍玉篇三十卷

右經類十八部

史部

宋刻續資治通鑑長編一百八卷

宋刻紀事本末四十二卷

元刻逸周書十卷

宋刻通志略殘本十七卷

宋刻國語補音三卷

元刻晏子春秋八卷

元刻金陀粹編二十八卷續編三十卷

宋刻名臣碑傳琬琰集一百七卷

宋刻名臣碑傳琬琰集殘本二十七卷

宋刻漢雋十卷

元刻聖朝混一方輿勝覽三卷

朝鮮刻海東記

宋刻殘本西漢會要十七卷

元刻文獻通考三百四十八卷

宋刻唐律疏義三十卷

宋刻金石錄十卷

順治十八年摺紳冊

右史類十七部

卷二

子部

元刻孔叢子七卷

明刻賈誼新書十卷

宋刻說苑二十卷

元刻纂圖分門類題五臣注揚子法言十卷

宋刻監本音注文中子十卷

宋刻眞文忠公讀書記二十二卷

宋刻諸儒鳴道集七十二卷

明刻司馬法直解

日本鈔黃帝內經太素殘本二十三卷

元大德重校聖濟總錄殘本六卷

宋刻三因極一病證方十八卷

元刻醫學啟源序三卷

元刻太醫張子和先生儒門事親三卷直言治病

百法二卷十形三療三卷

元刻殘本難經本義一卷

高麗刻濟眾新編八卷

宋刻周髀算經

宋刻孫子算經三卷張邱建算經三卷殘本九章

算經五卷

元刻圖繪寶鑑五卷補遺一卷

明刻書史會要九卷補遺一卷

元刻白虎通義二卷

元刻風俗通義十卷

宋刻顏氏家訓七卷攷證一卷

宋刻東觀餘論二卷

宋刻夢溪筆談二十六卷

宋刻夢溪筆談二十六卷

宋刻仕學軌範四十卷

宋刻自警編殘本

宋刻雲齋廣錄八卷後集一卷

元刻南村輟耕錄三十卷

宋刻殘本翻譯名義二卷

宋刻雲門匡眞禪師廣錄三卷

宋刻琅邪白雲二禪師語錄

宋刻殘本法華大愚雲峰楊岐道吾五禪師語錄
宋刻寶峰雲庵眞淨禪師語錄三卷

宋刻智門光祚禪師語錄

宋刻南院首山葉縣神鼎承天石門六禪師語錄
宋刻東林和尚雲門庵主頌古

宋刻殘本妙湛和尚偈頌一卷

元刻至元辨偽錄五卷

宋刻纂圖釋文重言互注老子四卷

元刻列子八卷

右子類四十一部

卷三

集部

宋刻楚詞後語六卷

明刻蔡中郎集十卷

北宋刻杜工部集二十卷

宋刻昌黎先生集四十卷外集十卷

宋刻殘本白氏文集十七卷

宋刻乖崖集十二卷附集一卷

元刻范文正公集二十卷別集四卷

元刻殘本范文正公集十一卷別集一卷尺牘三

卷政府奏議二卷

明刻文潞公集四十卷

舊刻殘本鄧津集二卷

宋刻王注分類東坡詩二十卷

明刻山谷外集注十七卷

宋刻淮海居士長短句三卷

舊鈔本寶晉山林集拾遺八卷

宋刻竹友集十卷

宋刻殘本梁溪集三十五卷

明刻劉屏山集二十卷

宋刻殘本歸愚集九卷

鈔本翠微南征錄

宋刻友林乙藁一卷

宋刻殘本後村先生詩集大全十一卷

影宋鈔棠湖宮詞

明刻剡源集

元刻趙松雪文集十二卷外集一卷

元刻楚國文憲公雪樓程先生文集三十卷

明刻道園學古錄五十卷

元刻黃文獻公集二十三卷

明刻薩天錫詩集

明刻存復齋集十卷附錄一卷

元刻潛谿集十卷附錄二卷

明刻潛谿集十八卷附錄一卷

鈔本說學齋彙

明刻蘇平仲文集十六卷

舊鈔本王常宗集四卷補遺一卷續補遺一卷

明刻岳鳴集十二卷

明刻龍溪陳先生文集五卷

明刻于肅愍集八卷附錄一卷

日本刻徂徠集

高麗活字本桂苑筆耕三十卷

高麗活字本蘭溪遺藁一卷

石洲集殘本六卷

高麗刻海居齋集三卷

竹西詩集一卷

貢草園集一卷

張廣溪學文餘集四卷

明刻古文苑二十一卷

宋刻殘本文苑英華纂要六十一卷辨證八卷

北宋刻殘本王荊公唐百家詩選九卷

宋刻殘本萬寶詩山二卷

元刻國朝文類七十卷

元刻殘本皇元風雅

元刻麟溪集十二卷

高麗刻豐山世稟六卷

元刻朝野新聲太平樂府九卷

右集類五十四部

姪孫承弼增編

滂喜齋藏書記卷一

吳縣潘祖蔭

經部

明刻巾箱本五經 一函七冊

怡府藏書明人覆刻悅生堂本禮記白喪服小記以下缺其第四冊也卷首有明善堂覽書畫印記怡府世寶南潯董氏家藏子孫保之諸朱記

明刻易義主意二卷 一冊

明廬陵謝子方著海虞魏祐校前有孫鼎序謂子方洪武初名儒其書止於上下經舉經文可出題者分段解之免闕冊耳然尙出元明閒人手且四庫未收可與羣英書義並存也怡府藏書

附藏印

明善堂覽書畫印記 安樂堂藏書記

宋刻詩本義十五卷 四冊

宋歐陽修撰後附詩譜補亡四庫提要作十六卷合詩譜言之也每半葉十行行二十字前五卷末一卷皆鈔補卷十之末有點校周見成姓氏中有顧元慶印卽陽山大石顧家也

宋刻京本點校附音重言重意互注周禮殘本四卷鄭氏注每半葉十一行行大十九字小二十字大題在下小題在上板高不及四寸蠅頭細字精勁無匹眞爲宋板上駟惜缺八卷惟存天官下一卷地官下一卷春官上下兩卷據士禮題跋堯圃所藏亦巾箱本而佚春夏二官若以此殘本儷之則六官僅缺司馬矣

附藏印

研北程年彭若氏 白門居士 月波樓鑑賞

宋刻周禮攷工記解二卷 二函八冊

題虞齋林希逸撰上下二卷每葉二十行行十八字
卷後附釋音宋諱匡栢恒字缺筆惜下卷釋音後缺
三十一葉虞齋經學甚疏然其所據經文有可證今
本誤者如轉入轉注則利準利準則久和則安此書
利準二字不重按準故書作水鄭司農云注則利水
謂轅脊上雨注令水去利也元謂利水重讀似非注
則利謂轉之揉者形如注星則利也準則久謂轉之
在輿下者平如準則能久也和則安注與準者和人
乘之則安惠學士據此注謂下利準二字衍注鄭司
農云下當有利水重讀四字故後鄭辨其非淺人於

經既增重文因刪司農重讀之言今考後鄭分舉經
 文明以注則利句準則久句和則安句則其所見經
 文必不重利準二字惠校甚精唐石經以下各本皆
 誤惟此獨否其他異文如故一器而工聚焉者車爲
 多無故字輪人則轂雖敝不蔽敝下有而字凡輻量
 其鑿深以爲輻廣上輻字作轂故竝其幅廣以爲之
 羽廣下有之字亦弗之濂也濂作濂斡人軌前七尺
 不至軌七寸軌中有濶軌皆作軌凡任木木下有者
 字以其一爲之當免之圍無上之字及其下陲也無
 也字鍾氏以朱湛丹林三月而熾之以上有必字是
 故夾而搖之以服其豐下脫殺之節也四字梓人攬
 綱作攬廬人是故侵之作侵人車人上句者二尺有
 二寸上二字作一弓人漆也者以爲受霜露也無受

字角長二尺有五寸五作二亦弗可以爲良矣矣作也末應將興將作先皆與今本不同卷首有古香樓汪季子文柏柯庭氏雙谿草堂圖記三印

宋刻校正詳增音訓周禮句解十二卷 一函六冊

題魯齋朱申周翰每一官分上下卷前有登雲子序舊爲松陵莫氏藏書

附藏印

李琪家藏子二孫二永口寶用

士弘私印 頌之父 擔如居士 寧靜閣

五陽山房 松江莫氏壽樸堂書籍

季振宜讀書

宋刻音點周禮詳節句解 一函四冊

此與前本不同有武夷勿軒居士序云雲坡陳君以

魯齋二禮句解屬序勿軒熊禾去非之號也又有題
記云今將本局所刊舊本增修注釋三復校正並無
訛舛伏幸藻鑑是其書已經坊肆附益非魯齋之舊
矣有無名氏手跋鈐孝弟清白傳家印

附藏印

滎陽 潘氏彥中 潘康

宋刻司馬氏書儀十卷 一函四冊

前有無名氏序印曰稚川世家則姓葛矣序稱淳熙
中崇川范君先嘗鋟梓則其人在孝宗以後南宋末
刊本也每半葉十一行行大十九字小二十四字紙
墨清朗似未經觸手舊爲成邸藏書

附藏印

詒晉齋印 永理私印 皇子永理之印 永理

之印 皇子章

日本刻何晏論語集解十卷札記一卷

四冊

論語集解日本有明應本有菅家本有宗重本有正平本此本文化十三年市野光彥從正平本翻刻後附札記一卷付谷望之序讀書敏求記云論語集解高麗鈔本乃遼海道蕭應宮監軍朝鮮時所得末二行云堺浦道祐居士重新命工鏤梓正平甲辰五月未知正平是朝鮮何時年號案此本札記云正平甲辰實爲後村上天皇十九年則亦日本紀年耳錢本得自朝鮮卽以爲朝鮮年號失之矣李氏紀元編舉日本年號頗詳正平亦失之

附藏印

水戶延方學校之印

讀杜草堂

壽世盛業

味腴書室

宋刻張子韶孟子傳二十九卷 一函八冊

宋張九成撰每半葉十四行行二十五字莫子偁云
結銜太師崇國文忠公爲理宗寶慶初所贈諡則寶
慶以後刊也佚去盡心上下二篇與四庫本合舊爲
劉氏眠琴館汪氏藝芸書舍藏書

附藏印

劉桐珍賞 老來徒費買書錢 偶爲烏程劉氏
珍藏

汪士鍾印 藝芸主人

友芝私印

烈文

元刻四子六卷 一函五冊

大學一卷中庸一卷論語二卷孟子二卷有經無注
上有切音句讀分明足正俗師之誤論孟每章有圓
墨圍刻陰文字以別之如篇之第二章則爲◎形是
也毘陵周氏藏書

附藏印

毘陵周氏九松迂叟藏書記 周印良金

張氏亨紹

日本刻古文孝經孔氏傳一卷 一冊

此書 國朝康熙末流入中國長塘鮑氏刻入知不
足齋叢書盧文弨序引用唐代諸書證爲隋代舊本
實僞撰耳不獨非孔氏之書并不出自劉炫也此本
日本阿正精以弘安鈔本影刻原本佚其序文僅存
二行以元亨中清源良枝校木補繕之弘安在朱德

祐開元亨則入元代矣佚存叢書本亦從此出但行款有改易耳前有味腴書室讀杜草堂二印與楊星吾廣文攜歸之廣韻同出一家

附藏印

天下無雙 味腴書室 讀杜草堂

日本刻孝經唐玄宗注一卷 一冊

石臺孝經唐玄宗注天寶四年刻石今在西安府學中此日本刻前有元行沖序作於開元十年距刻石時廿有餘載是第一祖本也所據經文與石臺合他本則多不逮元行沖本有義疏白那昂疏行而舊疏遂亡此本猶存其序亦可寶矣前有寬政十二年源先賢序後有桑門祥空苾芻堯空題記

附藏印

快哉 寄世盛業 味腴書室 讀杜草堂

北宋刻廣韻五卷 一函五冊

黎星使庶昌奉使日本宜都楊星吾廣文隨軺東渡訪得宋元槧甚多攜歸售之此本及南宋刻謝幼槃集皆歸滂喜齋澤存堂刻卽從此本出頗多凡改黎星使新刻本亦不能悉依原文惟此爲汴宋祖刻首尾完好紙質堅厚墨彩飛騰洵爲罕觀之祕笈不知何時流入東瀛初爲寺田望南所藏後歸博物館局長町田久成星吾得之遂復歸中土亦一重翰墨緣也

此卽張氏澤存堂刊本所從出原本訛謬不少張氏校改撲塵之功誠不可沒然有本不誤而以爲誤者有顯然誤而未校出者有宜存疑而徑改者

如官字下原本引孔子妻并官氏作并官氏尙是形近之譌張氏據俗書誤本改并爲干錢竹汀未見原本遂稱誤并爲干始於廣韻而不知宋本不如是也又如鵜字下注鵜鵜鳥美形出廣雅泰定至順刊本皆亾又美形也同字注亦州元本州下有名字狨字注細布元本注并亾猛也此張氏失於參校者又如開卷景德牒文原本準亾准勅亾勅二字雖俗體然當時公牘文字本來如此今校改作準作勅亦似是而實非也原本字體從通俗而張氏據說文改从正字此尤非多見隋唐人手蹟不知其失也此本原爲日本寺田望南所藏後歸博物館局長町田久成余多方購求未得會星使黎純翁觀察欲重刊此書以爲張刊雖精不如

此本之古樸屬余借摹堅不肯出而久成見余所藏漢印譜十餘種亦垂涎不已因議交易之余初謂張本傳世尙多此書似不必刻若必刻似當盡從原本卽顯然訛誤亦一字不改而星使堅欲改之爭之幾失色乃議改其太甚刻成後爲札記然往往有可存疑竟爲張氏所牽者厥後工未竣而余差滿歸恐札記未必刻仍留學者以口實也他如去聲豔第五十五注榛醲同用醲第五十七陷第五十八鑑梵同用鑑第五十九此原本亦如是顧澗菴因其與曹棟亭初刊不同謂是張氏據禮部韻略校改此則張氏之受誣也余別見北宋本存堂本亦同或據曹刻玉篇有大中祥符牒謂爲張氏所創亦誣附記於此又第五卷後四聲清濁法生字下張本留墨丁此本生作朱

注之余反朱赤也朝字下一格張本留墨丁此本作紬注直流反紬布也此必張氏原本有爛缺故如此非所壞又別一本也日本收藏家於古字書最多余盡數求之不留餘憾自宋本外凡得元刊本玉篇廣韻各四五通明初刻本各三四通而各不同板明中涓大其中異同差池難以悉舉元明有足訂正昔顧澗蘋謂張氏校刊不審深惜徐氏朱本者傳是樓原本不傳不能盡刊潘氏轉寫張氏意改之誤孰知距徐氏又二百年宋本外更有互證之本如是其多元秦定本黎星使亦重刻之又余意歸後合諸本校之詳爲札記而以方謀別刻日本古卷子字書爲隋唐之遺者有龍撰字鏡及龍象名義所據玉篇廣韻皆願野王及茲事遂輟日月如馳力絛願奢謹記陸法言原本

於此以告當世之著錄者 光緒甲申十一月朔
宜都楊守敬記於鄂城通志局客次

附藏印

黃絹幼婦 讀杜草堂

星吾海外訪得祕笈

元刻增修互注禮部韻略五卷 一函六冊

朱衢州免解進士毛晃增注男進士居正重增前有
晃進書表及序皆怡府鈔補甚精其紙元時戶口冊
書印印於紙背諦視之皆湖州路某縣某人云朱民
戶至元某年歸順則湖州官庫本也怡府藏書

附藏印

安樂堂藏書印

朱刻增修校正押韻釋疑五卷 一函十冊

宋歐陽德隆撰紫雲山民郭正己增修韻有補字曰黃補者福州道士黃啟宗所補也曰張補者吳縣主簿張貴謨所補也曰吳補者嘉興府教授吳杜所補也又有朝散大夫黃積厚補螭蝗二字栢字勸字缺筆旨字皆空格猶是宋時舊槧也出自怡府有安樂堂藏書記

元刻釋疑韻寶五卷

函三冊

不題撰人按上平聲一東洪字注云弘字廟諱則宋人所編也又二十六歡莞字注云胡官切廟諱不收胡官切當是栢字欽宗諱韻中完字亦不收其嫌名也此書分部依廣韻而改二十六栢爲二十六歡以此又下平聲十陽昌字注云德昌舊諱明昌阜昌盛昌昭諱十一唐康字注云永康天康昭諱所謂盛昌

者遼道宗年號阜昌劉豫僭號明昌金章宗號也天
康當是大康亦遼道宗號當時場屋恐有觸犯雖非
功令亦避不用此亦宋科舉中一掌故也惟永康爲
漢桓帝年號其後晉惠帝慕容寶乞伏熾磐皆嘗用
以紀元非宋時所應避不知何以暗諱卷三尾卷四
首題魁本足注釋疑韻寶其餘各卷但題書名四字
上方舉韻中字兼辨正俗如今便蒙四書式蓋皆坊
肆爲之以射利者前惟文淵閣著錄此本有安樂堂
藏書記蓋怡府物也

金刻增修累音引證羣籍玉篇三十卷

二函十二冊

金滄州清池縣邢準編初浚陽王太取玉篇益以諸
書增加三萬九千三百六十四字號曰增廣類玉篇
海其所采書有省篇韻場本篇韻陰祐餘文古龍龕

龍玉字海會玉川篇奚韻類篇準以浚書音韻舛錯
且有脫遺乃取切韻廣韻集韻省韻增一千二百四
十字添重音一萬二千五百四十續添姓氏望蓋
合篇韻爲一書也又增舌光尖羸四部併屬於兩部
爰於魚部改罄爲殷更羣爲羣末附雜部三十六題
日增修累音引證羣籍玉篇浚刻書序作於大定甲
申準序作於戊申相去二十年其例每部先錄玉篇
諸字次及他書各有識別○陰祐餘文也○古龍龕
也○會玉川篇也●奚韻也○類篇也○集韻也○
省韻也○切韻也○廣韻也其書體例甚陋無所取
裁惟諸家書目皆不著錄元趙承旨虞道園張伯雨
明宋景濂吳文定陸文裕項子京皆有藏印則亦希
世祕笈矣

附藏印

大雅、松雪齋 趙氏子昂 虞集 句曲外史

宋濂 吳寬 陸深 墨林祕玩 天都陳氏

承雅堂圖籍 陳書庄讀書記 三十六峰陳昂

書庄父 陳昂之印 陳氏藏書子孫永寶

史部

宋刻續資治通鑑長編一百八卷 六函四十八冊

宋李燾撰每卷首行題續資治通鑑長編振要卷第
幾前有燾進書表按文獻通考燾奏進四次隆興元
年知榮州時所進起建隆訖開寶爲十七卷乾道四
年官禮部侍郎時所進起建隆訖治平爲一百八卷
卽此本是也淳熙元年知瀘州時輯治平之後至中
興以前爲六十卷合前所進爲一百六十八卷卽絳

雲樓書目所著錄者也朱竹垞跋以爲二百八卷蓋每卷或分子卷非有乖刺淳熙九年知遂寧府又重寫進共九百八十卷目十卷舉要六十八卷目五卷通計一千六十三卷爲最完之本今不傳世所有者惟此一百八卷本尙爲文簡原書 四庫本分爲五百二十卷從永樂大典輯出張金吾排印本卽出四庫本非其舊矣是本舊爲吾郡蔣辛齋藏書辛齋名重光乾隆時人富於藏弄有其跋云丙午冬於書賈陳天士見是書二十冊以三十金易之甲寅又於虎丘萃古齋購得二十冊爲玉峰徐司寇藏本裝潢紙色與前無二囑雙山楊兄精校錄補始成完書凡補卷八至二十九卷三十五至三十八之一卷四十一之二至六十一卷六十七至七十九卷八十一之

三至八十二之三卷八十七八十八通八十九卷又缺葉二十四皆雙山筆也宋刻字畫道勁紙墨如新補鈔亦一筆不苟雅似虞永興真奇書也每半葉十三行行廿三字

朱刻紀事本末四十二卷

六函四十二冊

建安袁樞編宋時有二刻一爲小字本淳熙乙未刻於嚴陵楊萬里序一爲大字本寶祐五年趙與憲所刻卽此本也前有與憲序每半葉十一行行十九字板高尺餘字大於錢最便老眼常熟瞿氏亦藏此刻有延祐六年陳良弼序謂節齋之孫明安置之嘉禾學宮節齋卽與憲字也此板至明尙存遞有修改此本無良弼序尙是延祐以前印本唐子畏葉文莊皆有藏印又有葉德榮一印文莊之子也卷端題字云

唐寅子畏家藏書籍十三卷後云蘇臺唐寅子畏甫
學圃堂珍藏書籍二十一卷後云晉昌唐寅醉中讀
自南北交兵起又云唐子畏夢墨亭藏書三十二卷
後云吳郡唐寅桃花庵中夢墨亭書其餘各卷之尾
題字尙多大致相同又每事擇其要語書於上方皆
子畏筆也

附藏印

唐寅私印 南京解元 唐子畏圖書

葉氏萊竹堂藏書印

元刻逸周書十卷 一函四冊

晉孔晁注後有李燾巽巖序每半葉十行行二十字
注同匡字有缺筆蓋從宋本出也逸篇脫字與抱經
堂刻同卷端有曠翁銘朱文方印明滄生堂祁氏藏

書

附藏印

潛生堂經籍印 曠翁手識 子孫永珍

山陰祁氏藏書之章

元本 三十五峰園主人 汪印文琛

汪印士鍾 民部尙書郎 平陽汪氏藏書印

長洲汪駿昌藏 駿昌 雅庭

宋刻通志略殘本十七卷 二函二十冊

鄭樵通志二十略五十一卷此本僅存職官略卷一卷三卷五金石略卷一七音略卷一之二藝文略卷四卷七禮略卷二之三選舉略卷二之三器服略卷二氏族略卷三之四圖譜略卷一災祥略卷一凡十略十七卷書賈作偽於卷首重刻總目一葉題曰御

口鄭樵十略總目又於板心魚尾下改易卷數然挖補痕跡顯然且挖之未盡原書卷數一一可辨總目後有木圖記云治平二年五月吉日祕書監葉文兼大篆器服略後亦有此印當是作僞者從他卷後移於前以炫閱者之目耳舊爲明上海潘氏婁東張氏藏書

附藏印

豫園主人 雲閒潘氏仲履父圖書 臣溥 天
如

宋刻國語補音三卷 一函三冊

國語宋公序補音明人刻本散見各條之下非原書面日矣此本三卷尙是公序舊第後有治平元年中書省劄一道云國語并補音共一十三冊國子監開

板印造末有一行云右從政郎嚴州司理參軍薛銳校勘遇宋諱玄懸殷匡恒徵勸育樹頊相字皆決筆頊神宗名相欽宗名皆在治平後當是南宋時嚴州覆刻大戎樹惇惇字犯孝宗諱不缺是孝宗以前本也每半葉十行行二十字字畫方勁與北宋槧無異卷首面葉有經部春秋類五字春秋二字朱文又一葫蘆印曰適安又二方印曰相臺岳氏曰經遠堂藏書印蓋岳倦翁舊藏也

附藏印

周情孔思

汲古閣

己丑父印

臨頓書樓

吳門王獻臣藏書印

王印獻臣

王氏藏書子

二孫二

永寶藏

虞性

堂書畫印

元刻晏子春秋八卷 一函四冊

吳山尊刻本出影元鈔行款與此同當是其祖本也
舊爲拜經樓藏書盧抱經學士借以校勘其異同載
入羣書拾補

附藏印

款冬書屋 馬叔靜圖書記

元刻金陀粹編二十八卷續編三十卷 四函十六冊

宋岳珂撰珂自跋云前刻於攜李續刊於南徐紹定
癸巳冬珂上東淮歸宗族鄉黨願考先烈及間排間
之始末因命工剞梓爲副墨藏於廟塾凡六百二十
二板字小於舊是珂及身已有三刻此本元至正二
十三年朱元祐刻於西湖書院舊有陳基序戴洙後

序今陳序佚戴序云朱君佑之得其殘編斷簡參互考訂始克成書復得續集五卷於平江蓋江西本也所謂江西本者又在倦翁三刻之外不知何時刻也
朱元祐吳門人佑之其字

宋刻名臣碑傳琬琰集一百七卷

題眉川進士杜大珪編目錄分上中下上二十七卷中五十五卷下二十五卷宋朝名臣事實略具於此舊爲項藥師藏書近時鮑子年亦經收藏

附藏印

構李項藥師藏 浙西世家 萬卷堂藏書記

鮑康讀過 鮑氏 曾在鮑子年處 子年所藏

臆園主人 觀古閣印

宋刻名臣碑傳琬琰集殘本二十七卷 一函五冊

此宋刻小字本也每半葉十五行行二十五字較前
一本爲精惜僅存中集卷二十九至末凡二十七卷
馬笏齋藏書

附藏印

馬玉堂 笏齋

宋刻漢雋十卷 一函五冊

宋林鉞撰舊有鉞序及魏時功後序宋趙時侃元袁
桷皆有刻本此本前後序並佚疑明人覆刻也

附藏印

• 南陽居士 口柳塘主人 白雲司印 命余曰

淵

元刻聖朝混一方輿勝覽三卷 八冊

不題撰人分上中下三卷前有木記云是本凡山川

人物沿革本末靡不具載學士大夫端坐窗几而欲
周知天下操弄翰墨而欲得助江山不勞餘力盡在
目中信乎其爲勝覽矣蓋書肆之所爲也丁氏持靜
齋自亦著錄謂其略於形勢而詳於名勝然自祝穆
方輿勝覽已如此矣丁本首尾序皆不全此本并無
序

朝鮮刻海東記 一函二冊

朝鮮禮曹判書申叔舟撰前有自序署成化七年辛
卯蓋從中國正朔也不分卷前列圖六曰海東諸國
總圖曰日本本國圖曰日本國西海道九州圖曰日
本國一岐島圖曰日本國對馬島圖曰琉球國圖又
爲三紀曰日本國紀曰琉球國紀曰朝聘應接紀其
書爲邦交而設詳於日本而略於琉球怡邸藏書

附藏印

明善堂覽書畫印記

宋刻殘本西漢會要十七卷

五冊

宋徐天麟撰原書七十卷今存卷十六至十九卷二十四至三十二卷四十六至四十九都十七卷每半葉十一行行二十字卷首題從事郎前撫州學教授臣徐天麟上進與莫氏經眼錄所記合人所見本爲宋嘉定乙亥刊則此亦嘉定本也

元刻文獻通攷三百四十八卷

十冊六十二冊

元西湖書院刻本前有馬貴與自序及延祐六年弘文輔道粹德真人王壽衍進書表貴與此書網羅宏富經國大業乃爲道流所進亦可異也舊刻於泰定元年後有闕失至正五年江浙儒學提舉余濂因其

增楊玄訪得原藁於其子志仁命山長方員儒士葉森訂正補刊目錄後有余謙跋常熟瞿氏藏本有李謹思序此刻脫之然哀然巨編首尾完整字大悅目楮印精良亦可與球鐙等重矣

附藏印

金敏 曼孫 金敏字曼遜

宋刻唐律疏義三十卷 四函二十四冊

題太尉揚州都督監修國史上柱國趙國公長孫無忌等撰孫刻此書據影元泰定本每卷後附纂例釋文元王元亮所編也此本無之卷二犯十惡故殺人反逆緣坐條理務疏通疏字下注云犯宣祖上一字廟諱改爲疏孫所據本竟改作宏以此證之此本爲宋槧無疑矣元本有無名氏序云此山贊治子治經

之暇得覽金科遂爲釋文以辨其義此山貫治子未
詳何人願澗蘋云第十七卷出繼同堂卽不合緣坐
下有云釋日出繼謂伯叔父及兄弟之子己之子內
有出繼同宗者同堂謂伯叔父之子今俗呼爲親堂
兄弟者第廿六卷或注冷熱遲駛下有云疏吏反第
廿八卷卽停家職資下有云停家資謂前職前官皆
所謂此山貫治子釋文而王元亮重編刪併有未盡
也今檢此刻願舉三條一一在內惟前一條謂伯叔
父至親堂兄弟者三十五字內兄弟之誤作正文並下脫子字
無釋日出繼四字亦舊注耳非此山貫治子釋文也
其有釋日字者元人妄增顧氏引以爲證誤矣又孫
刻目廿二闕訟下注云凡一十六條此作十五條蓋
少闕兄姊弟妹一條然卷中實有之疑是後人屏入

而未改其目及元人覆刻則并其目增之非有宋刻
未由辨其誤也又卷廿三告小事虛誣告人流罪引
虛二條孫自誤倒其他異同不悉著每葉十八行行
十八字楷墨精好大字悅目洵爲宋槧之上乘孫氏
影鈔祖刻季滄葦有一本今歸虞山瞿氏使見此刻
走且僵矣首葉有竹景盦主長印又竹景盦方印古
權書室舊雨樓印

朱刻金石錄十卷

一函四冊

此卽敏求記所稱馮硯祥家本也乾隆間歸儀徵江
玉屏趙晉齋魏得白江氏又自趙氏轉入共臺相國
家繼入玉雨堂韓氏同治十年遂歸滂喜齋馮氏初
得是刻鐫一印曰金石錄十卷人家其後江氏阮氏
韓氏遞相祖述皆有是印翁覃谿江鄭堂洪筠軒顧

澗蘋姚子章汪孟慈沈苑廬皆有題詞後補政和劉
跋跋一篇則余蓉裳所手錄也鑒定印記纍纍異書
到處真如景星慶雲先覩爲快趙氏原本三十卷此
僅十卷蘇齋老人以爲南宋坊賈刻其有題跋者是
也藏弄源流及與今本異同詳見諸家跋並錄於後
易安居士李氏趙丞相挺之之子諱明誠字德夫
之內子也才高學博近代鮮倫其詩詞行於世甚
多今觀爲其夫作金石錄後序使人歎息不已以
見世閒萬事真如夢幻泡影而終歸於一空也
丙辰秋偶得古書數帙中有金石錄四冊然止十
卷後二十卷亡之矣因勒烏絲命侍兒錄此序於
後以存當時故事易安此序委曲有情致殊不似
婦女口中語文固可愛余夙有好古之癖且亦因

以識戒云丙辰七夕後再日前史官華亭文石主人題於欽天山下學舍味道齋中

讀書敏求記金石錄三十卷清照序之極詳其搜訪可謂不遺餘力而予所藏宋搨章仇府君碑爲明誠所未見信乎碑版之難窮矣昔者吾友馮硯祥有不全宋槧本刻一圖記曰金石錄十卷人家長箋短札帖尾書頭每每用之亦藝林中一美談也

淮海英靈集江立字玉屏號雲溪舊居杭州移籍儀徵工填詞爲王蘭泉少司寇所甄錄有朱板金石錄因題其齋曰金石錄十卷人家著小齋雲山館詩鈔詩餘集共若干卷

張徵君芭堂印跋昔馮硯祥有不全宋槧本金石

錄刻一印曰金石錄十卷人家長箋短札每每用之見讀書敏求記今爲玉屏先生所有珍重示余余爲用飛白書刻印以贈藝林中又增一段佳話矣

宋槧金石錄十卷舊藏吾鄉江玉屏先生家今爲晉齋先生所有先生博雅好古所藏金石文字不下數千百種於是書源流洞悉已久旣購而得之因屬余錄其流傳所自歐陽文忠云物莫不聚於所好於斯益信嘉慶乙亥夏五甘泉吳應澂識馮硯祥名文昌祭酒夢禎之子幾社黨人開先收藏甚富得右軍快雪時晴真蹟因築快雪堂於西湖之孤山自嘉禾移居武林遂爲杭人焉江藩識金石錄宋時刻於龍舒開禧時後儀趙不譚又刻

之此本疑是浚儀重刊本也藩與玉屏先生之長
君定甫交三十年前獲觀此書及謝皋羽像嘉慶
二十年六月五日晉齋先生出此命題爰書數語
以誌眼福云書於邗上宵市橋西一草堂江藩跋
屏子

予髮甫燥卽獲交鮑丈以文每與縱談古書淵源
知宋槧金石錄十卷曾被收得惜未及一校卽爲
歸安丁杰持去雋之揚州也嗣後予在里門凡見
善本二其一是葉文莊手鈔前後兩翻者其一是
錢叔寶通部手鈔者皆細勘一過是正近刻處甚
多邇來客游邗上一日晉齋先生得此見示恍然
識馮硯祥家舊物擊節不置惜以翁弗克偕之校
刊與此書再結一重墨緣耳嘉慶乙亥六月朔思

適居士元和顧廣圻題時同在全唐文局千里顧氏廣圻

嘉慶辛未喜孫臥病里門吳興書賈持宋本金石錄見示置問禮堂一日忽忽索去悵惘無已後五年晉齋先生得吾鄉江玉屏所藏殘本與前所見本正同因以雅雨堂本校之疏其同異別爲攷證一篇如周敦銘跋楊南仲爲圖刻石楊雅雨堂本誤作湯毛伯敦銘跋原父釋祝下一字爲鄭祝誤作足齋鐘銘跋乃就鐘上摹拓者上誤作工李翕碑穆如清風清誤作春魯峻碑跋寰字記記誤作志費汎碑因以爲姓以誤作妣費君碑陰跋其後爲五字韻語韻誤作龍朱龜碑跋遺御史中丞朱龜討之不能克克誤作兄劉衡碑跋余嘗親至墓

下觀此碑下誤作丁制作甚工工誤作土樊君碑
晉爲韓魏晉誤作晉宗俱碑跋官秩姓名官誤作
呈離府君碑徵爲博士博誤作傳陳君碑額跋司
空掾掾誤作掾卞統碑跋晉書卞壺傳壺誤作壺
右軍將軍鄭烈碑右下脫軍字學生題名跋乃決
知其非文翁學生也生誤作立此本俱不誤他如
爾作尔揚作楊倉作蒼鳳作皇以作己洛作雒飭
作飾屢作婁奕作亦貌作兒藏作臧古字具在遠
出雅雨堂本之上凡此數百條文多不錄校畢送
還晉齋先生并承命書跋冊尾

先生收藏金石遺文至數千卷是正文字稍合同
異當世金石家無出其右先君撰修禊序跋尾云
吾友江編修德量趙文學某皆深於金石之學先

君持論謹嚴不輕許人附誌於此以誌後世尙友之君子喜孫

道光十八年歲戊戌三月望日直 文華殿夜宿內閣繙閱一過計前粵中題識廿餘年矣選樓老人筆

覃溪先生屢言欽州馮魚山先生家有施顧蘇詩余再四訪之實無之也雲台記雲台

余童時卽與定甫往來其書室內有金石錄十卷人家扁問其故出此書相示嘉慶廿二年余從晉齋處購得之伯元記時道光戊戌阮元印

易安此序言德甫夫婦之事甚詳宋史趙挺之傳傳後無明誠之事若非此序則德甫一生事蹟年月今無可考按後序作於紹興四年易安自言余

自少陸機作賦之二年至過蘧伯玉知非之兩歲三十四年之間憂患得失何其多也是作序之年五十二矣序言十九歲歸趙氏時先君作禮部員外郎侯年二十一按德甫卒於建炎三年是德甫卒年四十九也易安十九歲爲建中靖國元年是年挺之爲禮部侍郎是趙李同官禮部時聯姻也序言建炎丁未按丁未三月猶是靖康五月始有建炎之號戊申方是建炎之元也又文選注引陸機傳云年二十而吳滅退臨舊里與弟雲勤學積十一年是士衡二十歲時乃歸里之年不能定爲作賦年或是易安別有所據或是離亂之時偶然忘記耳嘉慶戊寅阮劉文如跋

掣經老人著筆暇頗有閒情及鐘鼎家藏宋槧金

石錄故紙不是雙鉤影今世有雙鉤古碑影宋太書天祿琳琅

偶未入錄

高宗訪求宋板書聚集日錄已盈八卷名天祿琳琅

汲引今古得

修綆相隨眞粵廿餘年今春攜入中書省惟日丁

亥三月望殿閣參差月華靜燈前親寫第五跋不

似東坡醉酩酊

蘇詩曰醉眠有花簪字大老人無睡漏聲長公平生不飲酒以七句

有五年書法了

無頽唐氣故云閏月丁亥索我詩我固願焉不

敢請日吉辰良古所重萬舞登歌味尤永但慙前

輩富題識恐污蛟龍混蛙黾願公壽考如金石宋

錄秦碑伴煙艇道光戊戌閏月望日丁亥應雲台

相國命題後學奕繪

金縷曲

日暮來青鳥啟芸囊紙光如研香雲縹緲易安夫
妻皆好古夏鼎商彝細攷聚絕世人閒奇寶太息

兵荒零落散剩殘編幾卷當年藁前人物後人保
雲台相國親搜校押紅泥重重小印篇篇玉藻
南渡君臣荒唐甚誰寫亂離懷抱抱遺憾訛言顛
倒賴有先生爲昭雪算生年特記伊人老千古案
平翻了 俚詞呈雲台老夫子靜春居伯母同教
正西林春 西林春印
太清

趙明誠金石錄在宋時初刻於龍舒再刻於浚儀
此十卷或云卽浚儀本今驗第一卷古鐘銘至第
十卷宋武帝檄譙縱文止卽原書之第十一卷至
第廿卷而改題曰第一卷至第十卷是刪其前目
十卷專刻其跋者也凡書前目與後卷悉同惟此
書不然趙氏藏金石文二千卷其跋則止五百種
耳故其前具列一至二千之次第而後跋無之前

目具載歲月及撰書人名而後跋無之此刻專有
其後跋故從第十一卷起以便於覽誦此必南宋
末書賈所重刻也就此考之若第一卷周姜敦銘
呂氏考古圖訓作百諸本作百此作百第三卷嶧
山碑跋楷此作楷第六卷馮緄碑跋謠此作誣第
十卷唐重立大饗碑題內立下有魏字凡若此類
皆足正謄本之失又如第四卷巴官鐵盆銘題下
韓暉仲此作韓注仲第五卷倉頡廟碑跋池陽集
丞此作集水第六卷馮緄碑跋史云復拜此無云
字第七卷費君碑陰跋甘陵石勛勛他本或作勛
或作勛第十卷晉太公碑文王見太公而計之諸
本作汁此作言旁其右半似斗亦不分明此下有
所見於句此作於見皆可疑又第十卷卞統碑宛

句此作宛句吳禪國山碑三表納貢此作三表是
則顯然之誤然而此書世無刻本久矣近來謝刻
盧刻僅憑傳寫本易滋歧誤此雖重刻不全本尙
是宋槧真本之僅存者宜爲鑒藏家所珍祕耳嘉
慶丁丑冬十二月十六日八十五叟方綱識

重鐫金石錄十卷印歌奉贈芸臺制府

十卷欲抵三十卷三十卷卽卷二千馮硯祥家此
舊印趙金石錄之殘編也是園叟爲著錄藝林豔
羨逾百年此書宋槧誰得見萊竹堂寫名空傳我
見朱^竹堦^義何^門手所校謝刻盧刻謫猶沿今晨阮公
札遠寄祕笈新得邗江邊阮公積古邁歐趙蘇齋
快輿論墨緣恰逢葉子仿篆記宛如舊石馮家鐫
重章疊和紙增價長箋短幅紅鮮妍錦暉何減浚

儀刻

宋時浚儀刻本

囊櫜倍壓湖州船葉子篆樣又摹副

其一畀我蘇齋筵我齋趙錄寫本耳幸有蘇集珍

丹鉛紹興漕倉施願注傳楷更在趙錄前奇哉漫

堂寶殘泐惜也邵補功微愆欽州馮家有全帙廿

載借諾心拳拳乞公借從穗城刻什倍開府縣津

賢誓言此印爲之質萬古虹月衝杓躔明年仍還

馮家積一月光又印萬川嘉慶丁丑臘月弟方綱

草戊寅六月儀徵程荃用隸法依先生原箋寫

之印

嘉慶二十有三年春正月十有四日敬觀於京都

之北池子經注經齋是日小雲農部攜全帙來傳

師命題數語以志金石夙契爲弼當日侍函丈前

詮釋鐘鼎彝器文字賞晰疑義每竟日忘勑自來

京華忽忽已十有四年矣簿牘笥束馳逐塵鞅間
憶仙館清暇如在目前今獲覩此書恍如坐臥於
積古齋中不覺情之移也爰披覽移晷略述前因
以誌眼福云是日同觀者錢塘陳上舍鴻豫華亭
家上舍大源明經大韶伯仲也因并識之朱爲弼
琅嬛仙館得此本誠爲希世之寶已卯夏五客廣
南獲見之亦稱眼福惜不得以之校所藏寫本之
謬誤因借鈔一過攜歸以備異日之校讐焉此本
閒不免誤字覃溪先生洪筠軒已爲標出然仍有
筆誤者卷第五州輔墓石獸膊字跋天祿近歲爲
村民所毀天作夫卷第六桂陽太守周府君頌跋
而名已謬缺不可辨不辨作下辨不字當是木板
脫左邊撇遂成下卷第九酸棗令劉熊碑跋又封

元壽第三人皆爲鄉侯

按廣陵思王荆以永平十四年自殺十四年元壽紹封

又封元壽弟三人爲鄉侯

弟作竹頭皆其誤也又卷第六廷尉

仲定碑跋豫章太守豫作豫又本中凡傳字俱作傳亦係刊刻之未精至車騎將軍馮緄碑跋太原太守劉瓚瓚自係瓚字之譌今四川新出土宋張稟重刻馮緄碑更譌作瓚矣桐城姚元之記

右趙明誠金石錄殘本十卷是南宋所刻顧煊以別本參校如漢國三老袁君碑跋安以永平四年薨雅雨堂本隸釋本俱作永元後漢書袁安傳安章和元年代桓虞爲司徒和帝卽位四年春薨年號是永元非永平漢車騎將軍馮緄碑跋云表荊州刺史李隗南陽太守成晉太原太守劉瓚不宜以重論雅雨堂本同隸釋本作劉瓚碑文亦作瓚

璵字文理事見後漢書陳蕃傳此獨作璵當是字
譌漢司空殘碑跋其詞有云命爾司空余回爾輔
隸釋本同作同隸續載碑文亦作同義皆長於此
本餘如漢陽朔博字跋尉府璽壁陽朔四年始造
設已所行璽壁卽瓠璧二字假借雅雨堂本作壺
壁誤甚漢從事武梁碑跋故從事武掾掾字綏宗
掾體德忠孝隸釋本上掾字不重綏宗下無掾字
此本與碑合漢丹陽太守郭曄碑跋議郎呆及循
孫某雅雨堂本呆作某校云此某字錢鈔作果隸
釋作呆以隸續所載碑文校之呆本作呆呆字
相近若改作某義全乖矣如此類甚多皆足以證
近本之失宜前人收藏之珍祕也此冊今歸琅嬛
僊館制府師出以相示因跋其後時嘉慶廿三年

歲次戊寅九月朔日臨海洪頤煊謹記

洪氏頤煊筠軒

座師芸臺先生節制兩粵之明年嘉慶戊寅伯子司農攜此冊京師錢遵王氏所謂金石錄十卷者也程同文跋於密齋

嘉慶己卯閏四月浪游嶺南將徧訪諸名勝首謁雲臺夫子於節署出此冊見示攜歸寓館以篋中所有金石拓本校正一二欣喜無量弟子海甯陳均題記

此書本爲儀真相國師琅嬛仙館所儲藏今歸小亭女夫卽馮研祥家舊物也以校今世所傳雅雨堂本字多異同翁覃谿閣部洪筠軒州倅兩跋中已詳論其得失而猶有未盡者如礬騰碑皇帝若日盧本作皇后案此乃趙氏據碑文皇太后以證

集古作皇帝之非集古本作帝不作后也州輔碑其封輔爲葉吉成侯盧本無葉字案隸釋碑文本有葉字洪氏云葉吉成侯者葉之吉成亭也帝堯碑龍龜負銜校鈴盧本作校鈴案隸釋碑文正作鈴當讀爲韜鈴之鈴緯書有璇璣鈴詩正義引尙書中候撰爾雅鈴報在齊雅授金鈴師名呂是也費汎碑今以爲季文有功封費者盧本作季爰案此碑蓋誤季爰爲季文故趙據左傳以辨之前後皆當作季文盧氏前著校語云碑季文乃季爰之訛後則竟改爲季友謬妄甚矣又路君闕銘君故豫州刺史盧本無君字嚴訢碑人物同授盧本作同受招命道術盧本作昭命朱龜碑蠻夷授手乞降盧本作授首此本皆與隸釋所載及謝氏葉氏

諸本相合實勝雅雨堂本惟嚴訢碑伊歎嚴君盧
本作伊歎考之隸續實是漢字蓋漢字傳寫誤爲
歎歎字傳寫又誤爲欺楚則失而齊亦未爲得又
後爲丹陽陵陽丞盧本作丹楊此本雖與隸釋合
然考隸續劉寬碑陰跋云西都以丹楊名郡東都
改用陽字郭昱爲丹楊太守嚴訢作丹楊之陵陽
丞此碑有丹楊太守皆用西都字云云則楊是而
陽非也此書恠草漫漶乃當時坊刻讐校未精猶
足證今本之譌誤宋刻之可寶貴如此道光癸卯
元日匏廬沈濤跋於洛廨之愛古軒

附藏印

太素齋曾覽

鴻寶祕書

以上二印無考

馮印文昌

字硯祥

平安館印

馮氏三餘堂

收藏 馮子玄家藏印

以上馮氏印

榮邸純王之孫憲王之子曾妣曰愉貴妃

御印

德敦教 悔昨居士 奕繪之印

西林春印 太清

趙魏私印 趙氏晉齋 趙魏 晉齋 趙氏金

石 竹庵盒 茅齋玩賞 茅屋紙窗筆精墨妙

以上趙氏印

雲台 體仁閣大學士 伯元之印 泰華雙碑

之館 揚州阮伯元章 臣元奉勅審釋內府金

石文字 總制淮揚楚粵等處十省軍門 揚州

阮伯元氏藏書處曰琅嬛仙館藏金石處曰積古

齋藏硯處曰譜硯齋著書處曰筆經室 家住揚

州文選樓隋曹憲故里 阮氏琅嬛仙館收藏印

儀徵阮伯元章 阮元印 石墨書樓 文選樓

癸巳 節性齋 金石錄十卷人家 亮功錫

祐 隋文選樓之印 五雲多處是三台

孔印昭虔 闕里 阮孔經樓 孔子七十三代

長孫女 靜春居 阮劉書之 靜春居士

阮祐之印 叔錫以上阮氏印

韓氏藏書 韓印泰華 小亭以上韓氏印

覃谿 蘇齋墨緣 恩加二品重漢瓊林 蘇齋

眞鑒 內閣學士內閣侍讀學士翰林侍讀學士

翁方綱 覃谿審定以上翁氏印

頤煊審定 洪印頤煊 筠軒以上洪氏印

姚印元之

余氏蓉裳

余印正變 吉羊

梁章鉅印

李彥章印

喜海

吉父

以上鈐氏印

志說

葉東卿審定

東卿過眼

以上葉氏印

陳印介祺

壽卿

介祺

匡齋

壽考維祺

金石口擊撞

予性顓而好古

簠齋

願為主

書令史

曾經我眼卽我有

陳伯子介祺古菜

之東隴人也

以上陳氏印

修伯讀過

仁和朱澂

子清

以上朱氏印

陳均之印

怡亭借觀

怡亭審定

姜甯 口癡

順治十八年摺紳冊

此本紀文達所藏正陽門外西河沿洪家刊本也
國初官制尙沿明舊其時順天之河間永平三府安
徽之鳳陽陝西之延綏甘肅之甯夏湖廣之偏沅皆
特設巡撫各省提鎮皆兼都督府銜大學士有九學
士有二十四武進士特設大教習皆與今制不同吾
郡徐元文立齋朱德宜蓼天葉方藹訥菴皆在翰林
新城兄弟西樵爲國子助教漁洋爲揚州推官他如
張京江熊孝威魏崑林皆爲名臣又如馬章民蔣虎
臣秦對巖梁玉立並爲京秩范觀公葉映榴又忠節
之士也先哲典型開卷如見是又當與紹興寶祐同
年錄同其珍祕者矣前有河間致法梧門書梧門及

翁覃谿阮文達葉東卿丁誦孫皆有跋朱石君邵位
西吳和甫有詩伊墨卿沈匏廬有看款並錄於後
紀文達致法時帆書 指紳得大筆題識竟得列
於有資考證之數豈非伯樂一顧駿足千金耶謝
謝卷首看過十之六七尙未敢加簽大段無可擬
議惟慎王嘉字韻一首擬爲刪去唐韻麻部本有
佳字公乘億秋菊有佳色詩可以證也宋韻以係
土平部首而刪去後人刻唐試帖者遂併公乘億
此詩改佳爲嘉頗不成語慎王此詩押山色嘉究
非好語如徑改爲佳又與官韻不符嫌於不遵功
令似應刪之爲兩全也連日冗忙候偷暇加簽完
備卽繳上呈閱順候近佳不備上時帆大人侍史

五朝文獻舊官冊宗伯藏弄貽厥孫公孫好古持

示我索我題句尋根源序言丙戌訖辛丑馮銓金

之嚴閣領鳳鵠范公承謨讀學葉映吉士後以節烈

名不謾揚州推官風雅伯阮蔣超史成大徐元馬俊

列鼎元宛平王掌翰魏柏掌憲此其大略他可論

畫枰推棋水逝壑刻舟求劍雲移根姓名階級自

顯晦薰蕕涇渭誰頗潘竹書考年器辨代實事求

是可據援還君珍重好什襲他年寶比君家廟嘉

慶壬戌孟夏大興朱珪朱珪之印

曉嵐宗伯藏舊摺紳一冊所載庶吉士至辛丑科

觀者或猶未遠定爲是歲之書然戊戌己亥庶吉

士皆備載字號惟辛丑諸人皆空板未填且其後

又有空板黑地二行蓋初改庶吉士時空其木板

以待鐫刻是此科新改庶常未遠之冊子無可疑者不特以王西樵年譜於壬寅春升考功郎而知其爲辛丑歲之書也予昨爲梧門司成題所藏順治初同年齒錄二冊今復得題宗伯所藏此冊二事正足相配嘉慶己未冬十一月廿八日翁方綱

編印

余曩輯清祕述聞得順治壬辰乙未戊戌三科會試齒錄於曲阜顏氏敘次款式與今通行本異卷後有雕板於京師正陽門外西河沿浙江洪氏書坊印記儼然南宋建之勤有堂杭之陳解元書鋪也三冊中具載新城王氏兄弟姓名西樵登壬辰科會試榜殿試則在乙未漁洋登乙未科會試榜殿試則在戊戌層見疊出於三冊中余以無心得

之故甚珍祕頃宗伯師出順治十八年搢紳一函
屬跋刻手與前書同印記亦同時西樵爲國子助
教漁洋爲揚州推官矣一經展玩前輩風流宛然
在目且其時大學士有九學士有二十四僉署殿
閣院名列內閣之後武進士選侍衛有大教習教
之如過必隆鼇拜皆兼此官也各省督撫莅都察
院當時規制如此事隔百餘年至有不能舉其顛
末者不有此書何以徵信宜宗伯師之拳拳於此
也清祕述聞中闕表字者考此書得增十七人因
牽連書之以誌欣幸嘉慶壬戌九月九日法式善

跋

存素堂印

法式善彙

甲子八月初五日過閱微草堂獲觀伊秉綬記
余家藏嘉靖搢紳冊得自闕里孔氏其京職一本

題爲摺紳至外省則不加以摺紳之目此順治
十八年摺紳冊則通稱爲摺紳矣又嘉靖本於各
省總督巡撫皆列於都察院衙門副憲之後而外
省則但自布政使始此冊於都察院旣列各省總
督巡撫矣而各外省又重列之已駸駸乎不列於
京職故冊首葉題曰新刊隨省總督撫按總鎮摺
紳曰新刊隨省者明乎舊之不隨省也此冊外省
提鎮亦列京職在鑾儀衛衙門之後今亦皆隨省
矣庚午二月朔阮元觀於京師泰華雙碑館雷塘庵主
道光閒此冊又爲韓小亭農部世長所藏屬余再
加題識時在丁酉歲勿勿己廿七年矣阮元書

父節性齋
老人

道光十八年太歲在戌漢陽葉志詵借看三月之

久並錄副冊子名琛名澧侍閨四月二十四日記

葉志誥

葉名琛名澧兄弟同鑒定

道光二十有三年倉龍癸卯匏廬沈濤觀於宣南

寓舍

小重山館

民曹示我職官簿其年辛丑推可知於時 仁皇

已御極八齡龍鳳恢天姿儲才館閣特重慎十人

茹拔無零畸京江相國曲江度迺崑片玉桂一枝

澤州飛騰前輩入更名御筆斑斕垂兩文貞俱鬱

時望厥後邳治襄康熙綸扉耆俊紛可數高陽曲

沃端型儀涿州閹兒仍伴食鴉音雖革形堪嗤其

餘庶官類稱職柏鄉柏府森霜威宛平父子長儀

部孝感弟昆居鳳池偉哉疆臣李武定時居言路

鷹角嶷立身刻苦王恥古朝朝白簡鋪彤墀總河

朱公著勞勩及奉帝勅驅馮夷紫垣浮沈在郎署
後建殊績民爭祠荔裳歌詩鈍翁筆箴仕俱隸祥
刑司清端捧檄在蠻徼羅城瘴毋吁可危動心忍
性養剛大樹立宏達擁節麾獨恨二賢佚不見睢
州蔚州百世師均以先年乞歸養暫解朝組修厄
區惟茲名蹟可檢按磊磊皆足傳來茲况禪文獻
具行義足訂史傳參家碑大興相公跋長句推棋
逝水增歎歛王戌迄今又卅載駸駸駒馬孰控追
要以不朽自勗帥名氏豈但垂當時願君勤官景
前哲風采亦俾方來思庚子秋七月小亭農部世
叔以此冊命題漫書長句邵懿辰

國初盛文獻河嶽宣皇猷丹青足神化一冊兼金
留當時紀銓敘列肆皆可求誰知二百載寶之若

環球河閒富著述萬卷精校讐此冊資考據亦爲
鄴架收譬如古金石豈徒羅尊卣跟肘識鯁柳乃
知甫田蒐韓公大雅材藏書高蓬邱摩闢古趣
一一採其幽示我所藏冊讀之心夷猶冠蓋集百
爾郡邑拓九州跡其所不朽詎獨官階優勳業照
鐘鼎騷雅扶輪軸遂覺日星氣不廢江河流能令
一束簡藉以垂千秋後生各珍重馳驅爭驛騶爲
念塵彼觀及時景前修小亭先生屬題卽請正之
辛丑除夕和甫吳存義

小亭農部二兄博學好古於歷代掌故文獻皆能
審別源流有所稽覈此順治辛丑搢紳冊是其收
藏又藏有康熙閒搢紳本他日攷訂沿革別成一
書可證見聞可補史志不第如岳氏愧邾之錄王

商清祕之志而已道光壬寅五月借觀一過因書

昆陵丁嘉葆并識

誦孫過眼

附藏印

瀛海紀氏閱微草堂藏書印

紀氏樹馨

香林

鑒定

詩翁借觀

韓氏藏書

小亭鑑定

東卿過眼

滂喜齋藏書記卷一終